

Broj: 01-04-2-363/2025

Sarajevo, 29.10.2025. godine

Na osnovu člana 20. Statuta Fonda za zaštitu okoliša Federacije BiH („Službene novine Federacije BiH“, broj 33/06, 1/15 i 62/19), te člana 70. stav (3) Zakona o javnim nabavkama („Službeni glasnik BiH“, broj 39/14, 59/22 i 50/24), direktor Fonda za zaštitu okoliša Federacije BiH donosi sljedeću

O D L U K U

o izboru najpovoljnijeg ponuđača

I

Najpovoljnijem ponuđaču R&S d.o.o. Sarajevo, broj ponude: 33794/25 od 10.10.2025. godine, u postupku javne nabavke kancelarijskog materijala i tonera za potrebe Fonda za zaštitu okoliša Federacije BiH, dodjeljuje se okvirni sporazum o nabavci kancelarijskog materijala u iznosu od 20.398,67 KM bez PDV-a.

II

Najpovoljnijem ponuđaču R&S d.o.o. Sarajevo, broj ponude: 33795/25 od 10.10.2025. godine, u postupku javne nabavke kancelarijskog materijala i tonera za potrebe Fonda za zaštitu okoliša Federacije BiH, dodjeljuje se okvirni sporazum o nabavci tonera u iznosu od 12.637,56 KM bez PDV-a.

III

Ova odluka objavit će se na web stranici Fonda za zaštitu okoliša Federacije BiH istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj: 01-04-2-333/2025 od 01.10.2025. godine. Javna nabavka je sprovedena putem postupka konkurentskog zahtjeva za dostavu ponuda. Ukupna procijenjena vrijednost javne nabavke bila je do 33.285,47 KM bez PDV-a.

Predmet nabavke bio je podijeljen na lotove, i to:

- lot 1 - nabavka kancelarijskog materijala (procijenjena vrijednost nabavke bez PDV-a do 20.523,00 KM),
- lot 2 - nabavka tonera (procijenjena vrijednost nabavke bez PDV-a do 12.762,47 KM).

Obavještenje o nabavci broj: 1382-7-1-58-3-46/25 objavljeno je na portalu javnih nabavki dana 02.10.2025. godine u 15:22 sati, dok je na osnovu člana

11. stav (1) Uputstva o uslovima i načinu objavljivanja obavještenja i dostavljanja izvještaja o postupcima javnih nabavki na portalu javnih nabavki („Službeni glasnik BiH“, broj 80/22) sažetak obavještenja objavljen dana 10.10.2025. godine pod brojem 59/25 („Službeni glasnik BiH“ – Oglasnik javne nabavke).

Tendersku dokumentaciju preuzelo je 17 (sedamnaest) ponuđača, dok su ponude u skladu sa provedenim postupkom javne nabavke dostavili sljedeći ponuđači:

<i>R.br.</i>	<i>Broj protokola</i>	<i>Naziv ponuđača</i>	<i>Datum i sat prijema</i>
1.	U-04-5245/2025	KMC d.o.o. Banja Luka	13.10.2025. godine u 08:45 sati
2.	U-04-5246/2025	R&S d.o.o. Sarajevo	13.10.2025. godine u 08:45 sati
3.	U-04-5247/2025	R&S d.o.o. Sarajevo	13.10.2025. godine u 08:45 sati
4.	U-04-5249/2025	ELKOM d.o.o. Vitez	13.10.2025. godine u 10:25 sati
5.	U-04-5250/2025	AERO EXCLUSIVE d.o.o. Sarajevo	13.10.2025. godine u 10:30 sati

Krajnji rok za prijem ponuda bio je 13.10.2025. godine do 12:00 sati.

Komisija za javnu nabavku formirana Rješenjem o imenovanju komisije, broj: 01-04-2-345/2025 od 10.10.2025. godine (u daljem tekstu: Komisija) pristupila je javnom otvaranju ponuda dana 13.10.2025. godine u 12:15 sati, te je konstatovala da su dostavljene ponude navedenih ponuđača blagovremene, o čemu je sačinila Zapisnik o otvaranju ponuda, te kopiju istog dostavila navedenim ponuđačima putem e-maila i faksa u skladu sa članom 63. stav (6) Zakona.

U skladu sa članom 63. stav (7) Zakona, Komisija je provela postupak provjere kvalifikacije ponuđača i ocjene ponuda na zatvorenoj sjednici, te je nakon izvršenog pregleda i ocjene istih utvrdila da:

- za lot 1:
 - ponuda ponuđača KMC d.o.o. Banja Luka, broj: 11-10-KM/25 od 10.10.2025. godine sa ponuđenom ukupnom cijenom u iznosu od 18.181,03 KM bez PDV-a ne ispunjava sve uslove tenderske dokumentacije;
 - ponuda ponuđača R&S d.o.o. Sarajevo, broj: 33794/25 od 10.10.2025. godine sa ponuđenom ukupnom cijenom u iznosu od 20.398,67 KM bez PDV-a ispunjava sve uslove tenderske dokumentacije;

- ponuda ponuđača ELKOM d.o.o. Vitez, broj: 861/25 od 09.10.2025. godine sa ponuđenom ukupnom cijenom u iznosu od 20.487,50 KM bez PDV-a ne ispunjava sve uslove tenderske dokumentacije;
- ponuda ponuđača AERO EXCLUSIVE d.o.o. Sarajevo, broj JN-13-10/25 od 13.10.2025. godine sa ponuđenom ukupnom cijenom u iznosu od 20.452,66 KM bez PDV-a ne ispunjava sve uslove tenderske dokumentacije;
- za lot 2:
 - ponuda ponuđača R&S d.o.o. Sarajevo, broj: 33795/25 od 10.10.2025. godine sa ponuđenom ukupnom cijenom u iznosu od 12.637,56 KM bez PDV-a ispunjava sve uslove tenderske dokumentacije.

Na osnovu rezultata pregleda i ocjene ponuda, ponude sljedećih ponuđača odbijaju se iz razloga što iste nisu potpune i ne ispunjavaju zahtjeve iz tenderske dokumentacije:

- ponuda ponuđača KMC d.o.o. Banja Luka, broj: 11-10-KM/25 od 10.10.2025. godine:
 - tačkom 5.4.2. c) tenderske dokumentacije propisano je da su ponuđači dužni uz ponudu dostaviti tehnički list proizvođača u vidu obične kopije za artikle kako je navedeno u Obrascu za cijenu ponude (za robu pod rednim brojem 1., 2., 51., 52., 53., 54., 61., 70., 71., 145. i 146.) kako bi Ugovorni organ mogao izvršiti provjeru da li ponuđeni predmeti nabavke sadrže minimalno zahtjevano karakteristike u skladu sa tehničkom specifikacijom koja čini sastavni dio tenderske dokumentacije za lot 1 (Napomena: u slučaju da su dokazi na stranom jeziku u međunarodnoj primjeni, onda je obavezno dostavljanje prevoda na jednom od službenih jezika u BiH. U slučaju da je tehnički list izdat na stranom jeziku potrebno je dostaviti kopiju prevoda od strane ovlaštenog sudskog tumača);
 - uvidom u ponudu ponuđača utvrđeno je da je ponuđač na strani 47., 50., 51. i 52. ponude dostavio kopije dokumenata pod nazivom „Tehnički list“ za stavke 51., 61., 70. i 71. Obrasca tehničke specifikacije, a koji dokumenti su ovjereni pečatom ponuđača bez naznake o kojim se proizvođačima radi;
 - s tim u vezi, a nakon dostavljenog odgovora ponuđača na Zahtjev ugovornog organa za pojašnjenjem dostavljene dokumentacije, Komisija je konstatovala da ponuda nije prihvatljiva iz razloga što se dostavljeni dokumenti ne mogu smatrati tehničkim listovima proizvođača kako je zahtijevano tenderskom dokumentacijom.
- ponuda ponuđača ELKOM d.o.o. Vitez, broj: 861/25 od 09.10.2025. godine:

- tačkom 5.4.2. c) tenderske dokumentacije propisano je da su ponuđači dužni uz ponudu dostaviti tehnički list proizvođača u vidu obične kopije za artikle kako je navedeno u Obrascu za cijenu ponude (za robu pod rednim brojem 1., 2., 51., 52., 53., 54., 61., 70., 71., 145. i 146.) kako bi Ugovorni organ mogao izvršiti provjeru da li ponuđeni predmeti nabavke sadrže minimalno zahtjevane karakteristike u skladu sa tehničkom specifikacijom koja čini sastavni dio tenderske dokumentacije za lot 1 (Napomena: u slučaju da su dokazi na stranom jeziku u međunarodnoj primjeni, onda je obavezno dostavljanje prevoda na jednom od službenih jezika u BiH. U slučaju da je tehnički list izdat na stranom jeziku potrebno je dostaviti kopiju prevoda od strane ovlaštenog sudskog tumača);
- uvidom u ponudu ponuđača utvrđeno je da je ponuđač na strani 24. i 33. ponude dostavio kopije tehničkih listova proizvođača za stavke 52. i 145. Obrasca tehničke specifikacije, a koji dokumenti su dostavljeni na stranom jeziku u međunarodnoj primjeni bez prevoda na jednom od službenih jezika u BiH na kako je zahtijevano tenderskom dokumentacijom.
- ponuda ponuđača AERO EXCLUSIVE d.o.o. Sarajevo, broj JN-13-10/25 od 13.10.2025. godine:
 - tačkom 6.5.1. tenderske dokumentacije propisano je da su ponuđači dužni dostaviti popunjen Obrazac za ponudu i Obrazac za cijenu ponude sa tehničkom specifikacijom koji se nalaze u prilogu TD, u skladu sa svim podacima koji su definisani Aneksom 2 do Aneksa 4 odnosno za sve stavke koje su sadržane u tim obrascima;
 - uvidom u ponudu ponuđača utvrđeno je da je ponuđač uz svoju ponudu dostavio Aneks 3 – Obrazac za cijenu ponude za lot 1 uz popunjen obrazac tehničke specifikacije. Međutim, uvidom u popunjeni obrazac tehničke specifikacije na strani 41. 42.. i 43. ponude Komisija je utvrdila da ponuđena tehnička specifikacija za stavke 127., 129., 133., 136. i 140. opisno ne odgovara traženoj tehničkoj specifikaciji robe na način kako je zahtijevano tenderskom dokumentacijom.

Tačkom 3.7. tenderske dokumentacije Ugovorni organ je odredio da će se nakon prijema, otvaranja i analize, te pregleda i ocjene ponuda provesti e-aukcija u skladu sa Pravilnikom o uslovima i načinu korištenja e-aukcije („Službeni glasnik BiH“, broj 80/23). Obzirom da je nakon izvršenog pregleda i ocjene ponuda Komisija utvrdila da je za oba lota zaprimljena samo po jedna prihvatljiva ponuda, e-aukcija se nije mogla zakazati, već se postupak okončava u skladu sa članom 69. Zakona.

S tim u vezi, daje se konačna rang lista ponuđača, te se utvrđuje slijedeći redoslijed ponuda:

Lot 1 – Nabavka kancelarijskog materijala

Ponudač	Ukupna cijena	Rang
R&S d.o.o. Sarajevo	20.398,67 KM bez PDV-a	1

Lot 2 – Nabavka tonera

Ponudač	Ukupna cijena	Rang
R&S d.o.o. Sarajevo	12.637,56 KM bez PDV-a	1

Nakon provedenog postupka provjere kvalifikacije ponuđača, kao i pregleda i ocjene ponuda, Komisija je sačinila i dostavila direktoru Fonda za zaštitu okoliša Federacije BiH Zapisnik o pregledu i ocjeni ponuda od 24.10.2025. godine koji ujedno predstavlja i Izvještaj o radu Komisije, zajedno sa Preporukom za donošenje odluke o izboru najpovoljnijeg ponuđača od 24.10.2025. godine.


Uzimajući u obzir rezultate provedenog postupka, odnosno činjenicu da je kriterij za izbor najpovoljnijeg ponuđača najniža cijena, kao najpovoljnije i jedine prihvatljive ponude u predmetnom postupku javne nabavke smatraju se ponude ponuđača R&S d.o.o. Sarajevo, te se okvirni sporazum dodjeljuje:

- za lot 1 (nabavka kancelarijskog materijala) ponuđaču R&S d.o.o. Sarajevo, ponuda broj: 33794/25 od 10.10.2025. godine sa ponuđenom ukupnom cijenom u iznosu od 20.398,67 KM bez PDV-a,
- za lot 2 (nabavka tonera) ponuđaču R&S d.o.o. Sarajevo, ponuda broj: 33795/25 od 10.10.2025. godine sa ponuđenom ukupnom cijenom u iznosu od 12.637,56 KM bez PDV-a.

U skladu sa naprijed navedenim, odlučeno je kao u dispozitivu ove odluke.

POUKA O PRAVNOM LJJEKU:

Protiv ove odluke može se izjaviti žalba u roku od 5 (pet) dana od dana prijema ove odluke.

Fond za zaštitu okoliša
Federacije BiH

Slađan Bevanda, direktor

Dostaviti:

1. ponuđačima (putem e-maila)
2. Sektoru za finansije
3. Samostalnom odjelu za opće poslove
4. a/a